

Fundacion Pa Nos Comunidad:

Inicio un era nobo 'Alimentando Prosperidad'



el a describi esey uno hopi difcil pe, pa tuma otro reto den su bida profesional. Di parti di directiva di FPNC y na number di tur e boluntarian y clientenan ta gradici Francis pa su trabao y ta desea Sra. Francis hopi exito cu su reto nobo. Sra. Francis lo keda activo den FPNC cu e accion di supermercadonan. Sr. Francis Saladin a termina dunando un danki na tur e amigonan di FPNC y a haci un peticion special pa henter Aruba sigui sosten e causa di FPNC.

shop". Participacion ta nifica cu cliente nan di FPNC lo wordo motiva pa participa activo di un forma of otro y segun nan capacidad na trabaonan di FPNC. E parti di integracion lo encera cursonan, guia personal pa di un manager di FPNC y participacion den e trayecto di siña y traha. E tienda lo tin articulo nan cu FPNC ta ricibi manera paña, sapato y mueble cu lo wordo bendi na prijsnan sumamente social. Tur entrada di e tienda aki lo bay pa 100% bek den e fundacion pa

Den cuadro di e proyecto Circulo di Cambio di Fundacion Pa Nos Comunidad ta enfoca riba participacion y integracion di nos clientenan. E ta consisti di guia profesional, cursonan, trayecto di siña y traha como tambe e tienda di FPNC. E tienda a bira un realidad, simplemente door di nos hendenan cu curasonnan noble cu semper ta dispuesto pa comparti cu otro nan cu ta menos fortuna. FPNC pa añanan largo ta ricibi articulonan manera paña, sapato mueble. FPNC a señala cu tin un mercado na Aruba pa articulonan di segunda mano cu ta den bon condicion. FPNC ta kere den desaroyo duradero como tambe den fase sostenibel di nos clientenan. Pues FPNC tin e tarea pa sirbi como ehemplo den esaki. E tienda ta contribui na ta sostenibel aki di FPNC ya cu tur entrada lo wordo uza pa FPNC. Alabes e lo ser uza como luga di siña traha pa nos clientenan.



Prome fase di e proyecto: Circulo di Cambio

Den cuadro di un vision nobo 'Alimentando Prosperidad' FPNC ta introduci na comunidad di Aruba su maneho nobo cual ta encera ampliacion di su servicionan nobo bou di e proyecto 'Circulo di Cambio'. FPNC ta conta cu sosten financiero di CEDE Aruba cu pa medio di nan profesionalismo, conocimiento di e trabao social tambe ta kere den e exito di e trayecto nobo di FPNC y pues ta aproba e prome fase di e proyecto 'Circulo di Cambio'. Circulo di Cambio ta encera un proyecto di participacion, integracion di nobo y guia di su cliente como tambe un tienda den circulacion tambe conoci como un "vintage

asina yuda segura e continuidad di e servicio y ayudo na clientenan. E prome fase di 'Circulo di Cambio' ta un fase di preparacion riba diferente nivel e.o. proceduranan y logistica di tur e servicionan cu lo wordo introduci pa asina por pasa na efectucion di e proyecto den e segundo fase. FPNC ta gradici CEDE Aruba y tur esunnan cu di un forma of otro a aporta, pues nos boluntarianan, tur instancia cu tin lasonan di cooperacion cu FPNC y pues ta contribui na yuda famianan na momentonan crucial den nan bida.

Inauguracion di e tienda
Diabierna 27 di februari e tienda di FPNC a keda inaugura na e edificio nobo situa na Emmastraat 21.

E tienda lo ta habri pa henter comunidad di dialuna pa diabierna di 9or di mainta pa 4or di atardi. Nos ta ofrece articulo di segunda mano den hopi bon condicion na prijs di boca flaco. Un bialha pa luna lo tene un Mercado di Purga den cual lo ofrece articulonan cu no ta den tienda.

Pues un invitacion special ta bay na henter comunidad di Aruba pa haci nos tienda un bishita na Emmastraat 21 y asina cumprando bo lo ta colaborando tambe na e causa di Fundacion Pa Nos Comunidad.

Pa mas informacion tocante nos actividadnan, nos trabanonan, lista di articulonan di necesidad y con pa duna bo aportacion tuma contacto libremente cu FPNC na tel 588 0003. □

Diabierna 27 di februari 2015 den presencia di amigonan, sostenedonan, boluntarianan di Fundacion Pa Nos Comunidad (FPNC) a inicia un era nobo cu e vision 'Alimentando Prosperidad' desde su edificio nobo situa na Emmastraat 21.

Presidente di directiva di FPNC sr. Francis Saladin a splica cu FPNC a wordo funda pa brinda famianan den nos comunidad cu pa un motibo of otro ta pasa den un situacion difcil di bida y asina duna un poco alivio pa loka ta trata necesidadnan basico manera cuminda. Fundadonan di FPNC desde 2007 a señala cu den nos comunidad tin hopi famianan cu pa motibo di por ehemplo desempleo no tin e manera pa yega na e articulonan basico aki y na 2009 oficialmente Fundacion Pa Nos Comunidad a wordo lanta. Pues pa mas di 5 año FPNC ta brinda sosten na e famianan aki pa medio di e Banco di Cuminda cu su servicio di pakete di cuminda, paña, mueble y otro articulonan di primera necesidad. Un total di mas di 2500 famia a ser yuda durante e ultimo añanan.

Desde su inicio como tambe ta wordo describi den e Statuto FPNC su meta ta pa banda di trece alivio pa su clientenan den necesidad, tambe pa contribui na solucionnan duradero. Cu e Vision 'Alimentando Prosperidad' FPNC ta traha na crea posibilidad positivo den bida di su clientenan y ta duna nan un estimulo pa sigui desaroya nan mes y hiba asina un bida digno y responsable. E vision nobo ta trece tambe un maneho nobo cu ta enfoca riba participacion. Participacion di e cliente, boluntarianan, partner, dunadonan y henter comunidad.

Sr. Francis Saladin alabes a tuma e oportunidad pa gradici personalmente Sra. Francis Quandt directora interno di FPNC den 2014. Sra. Francis a drenta FPNC den un año hopi turbulento cu e meta pa sostene FPNC pa un periodo di 3 luna. Un trabao cu tabata hopi duro pero cu el a sa di eherce cu hopi pasenshi y dedicacion. Awe, un año despues, ta su ultimo dia como directora di FPNC pero sigur no su ultimo dia como miembro di e team di FPNC. Sra. Quandt a tuma e decision, cu manera